

榮縣志

敘錄第十七

四川編纂通志榮志踵修先高陽韓君主之以秉筆屬
孝廉劉君劉君嫻文辭習掌故邑之所有無不有。余奉
委代庖而志成以劉君請為敘。康熙二十五年二月楚
武川進士井研知縣兼攝榮縣事朱大任

丙寅四月余承乏茲土甫旬日。孝廉劉君以新修邑乘
請敘。蓋校於高陽韓君定於富川朱君而劉子為之廣
蒐而博載者。方今大化維新。溥海晏如。入其疆而無征
繕遣戍之煩也。無簿書期會之擾也。後之聞風而思慕
者在是矣。康熙二十五年六月楚玉沙貢生知嘉定州

榮縣志

敘錄

榮縣事易其極

明州縣有志。萬曆甲戌續修。崇禎丙子邑先生簡勅增
之。今百十有二年矣。甲申之亂。遺冊無存。癸卯春遊。得
甲戌鈔本四卷於農家。拂塵殘闕。甲子秋。邑侯韓公訪
邑志。余上之。謀刊未果。今部纂修明史。憲檄屢徵邑志。
公曰。且刪訂之。橐具而公擢仙井。朱公攝吾邑。慮潛良
遺德之士未盡也。余曰。城郭土田賦役戶口人文物產。
已難存千百之什一矣。乃與張子容諸庠生加輯之。四
月。楚玉沙易公履任。謂余曰。名宦諸公。紀名而不紀實。
無遺憾乎。又采往事可稽者錄之。康熙二十五年丙寅

七月癸卯舉人劉世璋

余竊不自揣。以興舉廢墜爲己任。辛未四月至八月。事少就理。吳生允觀出縣志示余。乃聖祖仁皇帝二十五年。邑孝廉劉君世璋以農家鈔本潤色者。書凡四卷。今六十七年矣。土地疆域生齒賦役民俗文物。與時爲變。而榮又以理學經濟節烈耀史冊。蒞任五年。所爲興舉廢墜者。茫無所據。惟土訓誦訓。或訪諸耆英野老。或取信於文移碑碣。悉心考校。已易星霜。凡理學經濟忠孝節烈之舉。無或逸。書仍四卷。曾無所就正。備參攷資采擇而已。乾隆二十一年丙子八月。浙江嘉興進士知榮

榮縣志

敘錄

二

川三

縣事黃大本

予宰茲土十稔矣。下車檢閱邑乘。知纂自康熙閒。孝廉劉世璋其藍本。乃得之農家。造端簡陋。乾隆中。邑令黃大本重輯四卷。距今數十載。變遷不一。而前代爲州爲府。固西南一大都會。故亟欲修之。而未敢從事。今春大府奏修通志。檄取縣書。爰公餘參訂。彙爲卷十條五十有八。十年初志始遂。益滋愧矣。嘉慶十七年壬申十二月。湘潭舉人知榮縣事許源

邑志修于前令許匯泉。今三十餘年。甲辰。學使蔡公按試嘉定。徵所屬邑乘。吏白舊板壞三十餘葉。乃聚士紳

議補之。增以後事。執事曰。舊志諸目。首尾蟬連。有紀。增之無由入。非改刻不可。於是奮然修輯。聞者踴躍捐貲。邑人廖君扶九。主講鳳鳴書院。張君海雲。主講桂林書院。朝夕共事。校前志。畧有更訂。閱八月而成。道光二十五年乙巳十二月。淄川舉人知榮縣事王培荀。

趙熙曰。右前縣志敘畧。今惟王修本尚存善。夫章學誠之言曰。修志者。續前人之記載。非毀前人之成書。理宜新舊並行。公亦允也。章又言。辭氣當去鄙倍。宋以京朝官知外縣。事體視縣令爲尊。結銜猶帶京秩。故曰某官知某縣。居今而襲宋稱。倍矣。又俗士稱縣曰邑。或邑侯。

榮

縣志

敘錄

三

×川州。上

邑大夫皆鄙也。古都邑鄉邑。都於縣治。不合。凡此之倫。涉筆宜戒。吾尤欽戴震言。志以地理沿革爲重。沿革誤。通部之書皆誤矣。名爲此府若州之志。實非此府若州也。王闔運言。凡地理當明其沿革。改易之本。歷代郡縣省併。爲最要。卓彼邈人。允資文憲。而榮今修志。有欲然者。凡志首列天文。蓋成習例。分野之說。今且存而不論。至若日出入時刻。日出入方位。諸星赤經。中星赤經。歲差。凡厥表圖。斐然雅構。而蕞爾山區。如榮威。僅距七十里。正恐苦心分明。所判微忽。行省旣設。測量專司。非審細。遠勝官中。正不必宣夜渾天。強自標置。揆日候星之

事從蓋闕矣。氏族者周官小史奠系世辨昭穆也。王符氏姓之篇杜預世族之譜六朝已來大明譜學而榮土著素稀同姓非宗所詢皆是通儒偉烈猶待其人強從類列適啓誣風他如典志文徵五行封贈相地之宜往往按之無實惟藝文一志是關學術源流本七畧之遺循四部之迹爲之最其指要別其條流古稱辨章百家歸之治本也。又藝文與經籍志稍異。經籍記部目而已。藝文則篇章可入。榮則王庠文集五十卷。複載宋史晁子止郡齋讀書志。李有慶琴軒集。或非關文獻。或有目無書餘更杳焉。若夫坊市之格言。生徒之講義。俗詩未

榮縣志

敘錄

四

×111013

能成體。襍述乃等造謠。比之庸濫詩文。徑登篇第。是維求辱於九流六藝遠矣。原夫周官令典。天下圖籍。畢上太史。自後政事列計簿。山川著圖經。士女傳贊。風俗歲時。愈推愈密。至會稽章氏以博辨張其史學。一時方志從風。其匡繆正俗之功。廓清本鉅。惟壹本尊王之旨。以地志爲國史。要刪動虞僭越。創議科部。侈言六經同風。曾不思三代國計民生爲一。秦已降專維國計。聽民自死。自生再降則駿民之生以成國計。再降則罪言民生。謂防國計。今則使民不可爲生。專爲身計。家計。並不談國計。政者正也。非官僚之私物。猶復稽榮朝制。上繼劉

班毋惑乎物產靡可重輕。而食貨一篇。胥官中之食貨。非民間之食貨矣。屠維上章。熙禮辭四川通志總任。立默鄉居。縣議志乘。開局荷花池。連歲復經兵闕。馬通在研。嘗進虞拔貢論列。今古私以爲趙宋方志盛興。及明溥甄郡國成書。上之殿閣。副在鄉校。今當據亂之世。無望升平。斯志斟酌土風。網羅放失。舊聞期惟攷地理。述人事。祈民生富教爲本。庶山陬來秀。周知鄉故。卽一名一物。通古訓而抉經心。亟師海西農學之良。豐荒有蓄。至法百二十國寶書。高自媿於班。應大儒稱詩禮春秋三家之學。是誠經國大業。走顧不敏。晞大雅。埃鴻裁焉。

榮縣志

敘錄

五

川三三〇三十一

敘曰。

榮之爲邦。肇封青陽。右江左沔。遷德大章。秦漢南安。搏搏大野。開州自唐。元圍四跨。有明定縣。今土是限。石穴南郊。黃唐一綫。述沿革第一。

人事之始。以前民用。抑覘盛政。卽禮康衆。疇障西風。芬華接踵。必有平焉。永冀一闕。述建置第二。

易民而治。於傳有誠。異地之宜。此疆爾界。南有野客。北則鐵山。百里高原。防晉治官。述疆域第三。

北山多石。南山多土。其中陂陀。農名石戶。擇肉不肥。奈何飼虎。登高慨然。峩峩天宇。述山脈第四。

旭川涓涓合流石瀨不利舟楫以滋灌溉擁斯茫水出
鐵山猿太平寰宇橫波滔滔述水道第五

物類馮生民命所系海西絕業匪力伊智既新其器電
化日異埒此地利猗嗟人事述物產第六

班述洪範宋史亦可金土同價世豈長餓瘠土之民爲
政在仁蓋均無貧匪人食人述食貨凡戶口土田賦稅
貨幣倉儲會計鹽產水利具焉第七

士必愨然後智亂次以濟罔不敝周官六行榮也足紀
上無道揆下無法守浩浩洪流式瞻耆舊述人士第八
女生實苦抑光門戶黃鳥喑喑四德具舉一臂擎天烈

榮縣志

敘錄

六

川三十一。女十

烈孀孤女學大張請讚彤妓述列女第九耆壽附

繫乎一官如流水之行大川來去無停一過茫然據事
直書名宦自見洪姚劉宋日光中天述秩官第十

淫祀無福禮家誹之成羣立社聖制躓之里閭祈農茂
我禾稔會不是察官爲民螭述社祀第十一

一家仁一國興仁一國作亂是人非人人人自由道載
三禮無禮則危覆狂以喜述禮俗第十二

榮非僻區舊聞則少故事有徵甄錄無小或稗史遺景
觀非要述古蹟第十三形勝附

世無鼎彝奚佐檮杌耳目近見備葺无忽非關國故勿

斷山骨述金石第十四

青陽既選書缺年紀思奉民聽編自漢始大略孔明敢
援科旨述事紀第十五

右說具詳左證圖表審所宜附用光縣道維古圖經步
里測岡榮今作績山水分疆準望狗明權輿山鄉作榮
縣全圖其山脈圖水道圖系之山水篇

日中交易義取民便國市山坳貨殖千萬度里遠近程
期錯舉道不由庚一繩交午作城圖市鎮圖道里表系
之疆域篇

庶哉富之聖謨攸贊農資水利命原唐塢徒杠輿梁君

榮縣志

敘錄

七

川川又 上上

子平政桓表當塗菲菲畫景作石口表塘堰表津梁表
坊表系之食貨篇建置篇

校官不職專倚書苑名循孔錄試牘自賤國威告退公
化方茲用夏用夷多師是師識字者希尉律其思作學
校表

選士之重禮家有程異代殊制大猷是經蓋崇化者必
厲賢能否平等不平之平作選舉表與學校系人士前
已上圖表第十六

凡榮縣志都如干篇虞拔貢克舉其職勤志獨任曹茂
才毗之成功授熙俾整齊之熙維行人五書周知天下

而三代鄉里有學。令弟子能通藝業。是尤宏誼。自審六
學冥昧。方思炳燭之明。修皓星公丁姓子孫之緒。老丁
陽百。愍狂狡之不息。煽亂日臻。猥舉羣論。責其成。奚以
晁前聞。輝地望。惟榮雖山縣。青陽之蹟猶存。彰於戴禮
遷史。暨漢南安遷割。自酈道元後。多蔽動。桂夜郎之繆。
寔宜析所聞。以昭未睹。大諦不變者地輿。必變者人事。
分條副幹。無事惠施。多方正。不必取倖達官。妄推治本。
熙罔通三世聞見。然吾榮山川隱秀。意必有來哲興焉。
蔚為方聞之士。是編得備文學掌故。下材比緝。與有榮
焉。虔望河清。敘錄作殿。

榮縣志

敘錄

八

川X113118

總纂

清賜進士出身翰林院編修國史館纂修江甯纂禦

趙熙敘

纂輯

清拔貢生京師大學堂國學成業

虞兆清

分輯

清附學生前任大足縣知事

曹靖

校刊

清附學生成都師範學堂成業

張鴻介

督刊

程述甫

前提調

清光緒癸巳舉人前榮縣知事成都廖世英

後提調

清中書科中書日本東京警務成業張肖威

測繪

俞緝光

庶務

周監從

采訪

各鄉保

供給

收支所

榮

縣

志

敘錄

九

十一

